

WAFUASI WA KWELI WA MITUME NO.1

<"xml encoding="UTF-8?">

BISMILAHİ RAHMANİ RAHIYMI

KWA JINA LA MWENYEEZI MUNGU MWINGI WA REHEMA MWENYE KUREHEMU

WAFUASI WAKWELI WA MITUME NO.1

*.?Ni alama gani zinazoonesha ukweli wa wafuasi wa Mitume *

*.?Kuna athari gani katika kuwakubali na kuwafuata Mitume *

WAFUASI WAKWELI WA MITUME

--:Kwa hakika kuwatii Mitume ni kumtii Mwenyeezi Mungu, kama inavyosema Qur-ani takatifu

مَنْ يُطِيعِ الرَّسُولَ فَقَدْ أَطَاعَ اللَّهَ وَمَنْ تَوَلَّى فَمَا أَرْسَلْنَاكَ عَلَيْهِمْ حَفِيظًا [1]

kumt'ii Mtume basi ndio amemt'ii Mwenyezi Mungu. Na anaye kengeuka, basi Sisi
.hatukukutuma wewe uwe ni mlinzi wao

Mitume ndio wenye kuchukua na kubeba Wahyi wa Mwenyeezi Mungu, na vile vile ndio wenye
--:kuufikisha ujumbe huo wa Mwenyeezi Mungu kwa watu, kama inavyosema Qur-ani

وَمَا يَنْطِقُ عَنِ الْهَوَىٰ . إِنْ هُوَ إِلَّا وَحْيٌ يُوحَىٰ [2]

.Wala hatamki kwa matamanio

.Hayakuwa haya ila ni ufunuo ulio funuliwa

Mitume, mbali ya kuwa wana wadhifa wa kufikisha ujumbe wa Mwenyeezi Mungu kwa watu,
vile vile ni viongozi walioteuliwa na Mwenyeezi Mungu, na ni Mahakimu walioletwa katika jamii
.ili kutatua matatizo na kuwasaidia wanaadamu

وَمَا أَرْسَلْنَا مِنْ رَسُولٍ إِلَّا لِيُطَاعَ بِإِذْنِ اللَّهِ وَلَوْ أَنَّهُمْ إِذْ ظَلَمُوا أَنْفُسَهُمْ جَاءُوكَ فَاسْتَغْفَرُوا اللَّهَ وَاسْتَغْفَرَ لَهُمُ الرَّسُولُ لَوَجَدُوا اللَّهَ تَوَّابًا رَحِيمًا [3]

Na hatukumtuma Mtume yeyote ila at'iiwe kwa idhini ya Mwenyezi Mungu. Na lau pale walipo

jidhulumu nafsi zao wangeli kujia, wakamwomba Mwenyezi Mungu msamaha, na Mtume akawaombea msamaha, hapana shaka wangeli mkuta Mwenyezi Mungu ni Mwenye kupokea .toba na Mwenye kurehemu

Kwa hiyo kuwatii Mitume katika mambo ya hukumu, kwa mfano mambo ya kiserikali, kwa .hakika ni kumtii Mwenyezi Mungu

Wafuasi wa kweli na waaminifu wa Mitume ni wale ambao wanajiweka mbali na mabaya ya matamano ya nafsi zao, na wanajiepusha na kukhalifu amri za Mwenyezi Mungu na Mitume yao. Na hawako tayari kughilibiwa na shetani, na humtegemea Mwenyezi Mungu katika mfumo wa maisha yao ya kila siku, kwa upande mwengine huhifadhi dini na akida zilizo nyoyoni mwao, na kupigana na makafiri na mataghuti ili kusimamisha dini ya Mola wao, na kwa kumtii Mwenyezi Mungu na Mitume yake hunufaika na kuneemeka na neema zake Allah
--:(s.w

وَمَنْ يُطِيعِ اللَّهَ وَالرَّسُولَ فَأُولَئِكَ مَعَ الَّذِينَ أَنْعَمَ اللَّهُ عَلَيْهِمْ مِنَ النَّبِيِّينَ وَالصِّدِّيقِينَ وَالشُّهَدَاءِ وَالصَّالِحِينَ وَحَسُنَ
أُولَئِكَ رَفِيقًا[4]

Na wenye kumtii Mwenyezi Mungu na Mtume, hao wa pamoja na wale alio waneemesha Mwenyezi Mungu miongoni mwa Manabii, na Masiddiqi, na Mashahidi, na Watu wema. Na !uzuri ulioje kuwa pamoja na watu hao

Kila watakaofanya mema wataingia peponi, na kila watakaoingia peponi watakutana na* wenzao wa peponi wachanganyike, katika baadhi za nyakati, japokuwa wako mahala mbali mbali kwa mnasaba wa daraja walizopewa kwa amali zao ambazo hazikuwa namna moja. .Lakini juu ya hivi watakutana

.Miongoni mwa daraja zilizotajwa hapa ni daraja ya

.a)Unabii . b) Ussidiqi . c) Ushahidi . d)Usalih

Mtu salih ni yule anayetokeleza haki za Mwenyezi Mungu zilizo juu yake na kutekeleza haki za .viumbe wenziwe zilizo juu yake, kwa mwisho wa uweza wake

.Na Shahidi ni anayefanya haya na akapata bahati ya kuuawa kwa ajili ya dini

.Na Saddiqi ni kama yule salih. Lakini natekeleza kwa ukamilifu zaidi kabisa

.Na Unabii ni kupindukia mipaka ya ubinaadamu kwenda umalaikani

Katika sehemu hii tutaelezea wafuasi wa kweli na waaminifu wa Mitume, na kubainisha baadhi ya sifa za watiifu wa Mwenyeezi Mungu, na hatima ya wale wanaomtii Mwenyeezi Mungu na .Mitume yake

Suratun-Nisaa Aya ya 80 [1]

Suratun Najm Aya ya 3-4 [2]

Suratun Nisaa Aya ya 64 [3]

Suratun Nisaa Aya ya 69 [4]

MWISHO